

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**Grad Tuzla**



**Služba za ekonomski razvoj,  
poduzetništvo i poljoprivredu**

Broj: 04-11-A- /2022  
Tuzla, 07.09.2022. godine

**PREDMET:** Program raspodjele sredstava tekućeg granta za podršku projekata iz oblasti poduzetništva, za 2022. godinu;

U Budžetu Grada Tuzla za 2022. godinu, na poziciji Tekućeg granta za podršku projekata iz oblasti poduzetništva, planirana su sredstva u iznosu od 30.000,00 KM.

Članom 21. Odluke o izvršavanju Budžeta Grada Tuzla za 2022. godinu („Službeni glasnik Grada Tuzla“, broj: 13/21) utvrđeno je da se sredstva na navedenoj poziciji raspoređuju na osnovu programa raspodjele sredstava, donesenih od Pomoćnik gradonačelnika za Službu za ekonomski razvoj, poduzetništvo i poljoprivredu, u skladu sa kriterijima, u ovom slučaju, utvrđenim važećom Odlukom o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 1/19, 7/20 i 5/21), (u daljem tekstu: Odluka).

Odlukom su određeni uslovi, način i kriteriji raspoređivanja sredstava Budžeta Grada Tuzla koja se dodjeljuju za podršku projekata neprofitnih organizacija (udruženja i fondacija), koji se kandiduju putem javnog poziva, kako su u Budžetu Grada Tuzle za 2022. godinu namjenski planirana i pozicionirana sredstva Tekućeg granta za podršku projekata iz oblasti poduzetništva.

Na osnovu člana 4. Odluke donesen je Program utroška sredstava iz Budžeta Grada Tuzla za podršku projekata neprofitnih organizacija putem javnog poziva, sa pozicije-Tekući grant za finansiranje projekata iz oblasti poduzetništva – ekonomski kod 614311/49, za 2022. godinu, broj: 04/11-A-10258-2022, od 17.06.2022. godine, kojim su, između ostalog, određeni opći ciljevi projekata, fokus projekata, te projektne aktivnosti koje će se moći realizovati iz navedenih sredstava, odnosno prihvatljive projektne aktivnosti predložene u prjektima kojima će aplicirati potencijalni učesnici u javnom pozivu, zatim je utvrđen minimalni i maksimalni iznos podrške za pojedinačne projekte i druga pitanja u vezi sa načinom utroška navedenih namjenskih sredstava.

Prema gornjem Programu, opći ciljevi kandidovanih projekata su utvrđeni u sljedećem pravcu: jačanje partnerstva između neprofitnih organizacija i Grada Tuzle, odnosno izgradnja svijesti o koristi i efektima međusobne saradnje u funkciji unapređenja i razvoja poduzetništva, kroz direktnu i indirektnu podršku krajnjih korisnika iz ciljnih grupa kandidovanih projekata.

Putem javnog poziva, koji je bio otvoren od 27.07.2022 do 17.08.2022. godine, i objavljen na službenoj internet stranici Grada Tuzle, a obavještenje o objavljenom javnom pozivu je preuzeto od lokalnih elektronskih medija, zaprimljeno je ukupno 8 projekata, koji su u propisanom postupku i primjenom utvrđenih kriterija i podkriterija, pregledani i adekvatno ocijenjeni od strane komisije imenovane rješenjem Pomoćnika gradonačelnika za Službu za ekonomski razvoj, poduzetništvo i poljoprivredu.

Radi se o projektima koje su kandidovali: Udruženje „Centar za edukaciju i obrazovanje“ Tuzla, projekat od nazivom „Poduzetništvo za sve“, Udruženje građana oboljelih od distrofije TK, Tuzla, projekat pod nazivom „Edukacijom do zaposlenja“, Udruženje „Humanitarna organizacija Bosanske rukotvorine“ Tuzla, projekat pod nazivom „Pokreni biznis i učestvuj u smanjenju tekstilnog otpada“, Fondacija za inovacije, tehnologiju i transfer znanja, projekat pod nazivom „Podrška razvoju poduzetničkog duha kod mladih“, Udruženje „Centar za socijalne inovacije“ Tuzla, projekat pod nazivom „Razvoj ekološko-socijalno poduzetništva“, Udruženje „Golf klub Tuzla“ Tuzla, projekat pod nazivom „Golf turizam – Tuzla savremena turističko-ekološka golf destinacija, Udruženje obrtnika grada Tuzle, projekat pod nazivom „Educiran obrtnik – uspješan obrtnik“, Informativni centar za osobe sa invaliditetom „Lotos“ Tuzla, projekat pod nazivom „Rad kao garancija dostojanstva i samostalnosti“.

Komisija za ocjenu i vrednovanje kandidovanih projekata, primjenjujući utvrđene kriterije ocijenila je da svi naprijed navedeni projekti ispunjavaju uslove i kriterije iz Programa utroška sredstava iz Budžeta Grada Tuzla za podršku projekata neprofitnih organizacija putem javnog poziva, sa pozicije-Tekući grant za finansiranje projekata iz oblasti poduzetništva – ekonomski kod 614311/49, za 2021. godinu, broj: 04/11-A-10258-2022, od 17.06.2022. godine, te da su kandidovani projekti fokusirani na ostvarivanje ciljeva u prioritarnoj oblasti-poduzetništvo, definisanih istim Programom.

Nakon što su adekvatno vrednovani naprijed navedeni projekti udruženja, za koje je ocijenjeno da su kvalifikovani za podršku iz sredstava Tekućeg granta za finansiranje projekata iz oblasti poduzetništva, te bodovanjem istih prema kriterijima utvrđenim LOD metodologijom, na osnovu prijedloga nadležne komisije, koji je prihvaćen u cijelosti, sačinjen je ovaj Program raspodjele sredstava tekućeg granta za finansiranje projekata iz

oblasti poduzetništva, za 2022. godinu (u daljem tekstu: Program), koji je prikazan u sljedećem tabelarnom pregledu:

**Program raspodjele sredstava tekućeg granta za finansiranje projekata iz oblasti poduzetništva, za 2022. godinu**

<b>Redni broj</b>	<b>Nosilac realizacije projekta/ naziv udruženja, organizacije</b>	<b>Naziv projekta</b>	<b>Iznos dodijeljenih sredstava za podršku projekta (u KM)</b>
1.	Udruženje Centar za edukaciju i obrazovanje	Poduzetništvo za sve	3.100,00
2.	Udruženje građana oboljelih od distrofije TK	Edukacijom do zaposlenja	2.500,00
3.	UHD Bosanske rukotvorine Tuzla	Pokreni biznis i učestvuj u smanjenju tekstilnog otpada	3.700,00
4.	Fondacija za inovacije, tehnologiju i transver znanja	Podrška razvoju poduzetničkog duha kod mladih	3.500,00
5.	Centar za socijalne inovacije Tuzla	Razvoj ekološko-socijalnog poduzetništva	2.000,00
6.	Udruženje „Golf klub Tuzla“ Tuzla	Golf turizam – Tuzla savremeno turističko – ekološka golf destinacija	2.000,00
7.	Udruženje obrtnika Grada Tuzla	Educiran obrtnik – uspješan obrtnik	10.000,00
8.	Informativni centar za osobe sa invaliditetom „Lotos“	Rad kao garancija dostojanstva i samostalnosti	3.200,00
	<b>UKUPNO RASPOREĐENA SREDSTVA:</b>		<b>30.000,00</b>

Ovim Programom će se pružiti širok spektar podrške velikom broju krajnjih korisnika podržanih projekata, koji pripadaju ciljnim skupinama nezaposlenih mladih osoba, osoba sa invaliditetom, nezaposlenih žena, dakle korisnika koji pripadaju segmentu socijalnog poduzetništva, te krajnjim korisnicima u segmentu malih biznisa i poduzetničkih i obrtničkih firmi, s ciljem razvoja svijesti o poduzetništvu i promocije poduzetništva, kao i razvoja turizma i promocije turističkih potencijala na području grada Tuzle, a u partnerstvu i sinergijskim djelovanjem Grada Tuzle sa organizacijama-udruženjima građana.

**Završne odredbe:**

Ovim Programom, za prihvaćene projekte, koje će realizovati: Udruženje „Centar za edukaciju i obrazovanje“ Tuzla, „Udruženje građana oboljelih od distrofije“ Tuzla, Udruženje „Humanitarna organizacija Bosanske rukotvorine“ Tuzla, „Fondacija za inovacije, tehnologiju i transfer znanja“ Tuzla, Udruženje „Centar za socijalne inovacije“ Tuzla, Udruženje „Golf klub Tuzla“ Tuzla, Udruženje obrtnika grada Tuzle, Informativni centar za osobe sa invaliditetom „Lotos“, Tuzla, u skladu sa razmotrenim i prihvaćenim budžetima svakog projekta, raspoređuju se sredstva u Budžetu Grada Tuzla za 2022. godinu, na poziciji Tekući grant za finansiranje projekata iz oblasti poduzetništva – ekonomski kod 614311/49, u planiranom iznosu od 30.000,00 KM.

Krajnji rok za realizaciju ovog Programa odnosno implementaciju planiranih aktivnosti podržanih projekata je 31.12.2022. godine.

Sredstva raspoređena ovim Programom bit će doznačena odabranim implementatorima, odnosno navedenim organizacijama-udruženjima, koji će realizovati prihvaćene projektne aktivnosti.

Sa implementatorima projekata koji su predmet ovog Programa, zaključit će se ugovor o regulisanju međusobnih odnosa u vezi realizacije sredstava raspoređenih ovim Programom, uz obavezu korisnika da Službi za ekonomski razvoj, poduzetništvo i poljoprivredu dostave narativni i finansijski izvještaj sa pratećom dokumentacijom kojom se dokazuje namjenski utrošak odobrenih i doznačenih sredstava.

Nakon realizacije ovog Programa Služba za ekonomski razvoj, poduzetništvo i poljoprivredu će pripremiti i prezentirati Gradonačelniku i Gradskom vijeću Tuzla informaciju o realizaciji i utrošku raspoređenih programskih sredstava.

**Pomoćnik gradonačelnika  
za Službu za ekonomski razvoj, poduzetništvo i poljoprivredu**

**Dr. sc. Zijad Lugavić, dipl.oec.**